

南诏德化碑

佚名

文硕阁

wenshuoge.com

目录

关于我们	3
南诏德化碑	5

版权声明

本书版权保护已经过期，属于公版书！并由"文硕阁"网站的用户制作并发布于文硕阁 网站内,请大家在“合理使用”范围内使用

这本电子书可供中华人民共和国（the People's Republic of China）和世界上大多数其他地区的任何人免费使用，几乎没有任何限制。您可以根据本文件中包含的"传硕公版书许可条款"中的授权许可进行复制、赠送或改编它。

如果您不在中华人民共和国，您必须在使用本电子书之前查看您所在国家/地区的法律。

什么是公版书？

根据我国现行「著作权法」第 20、21 条的规定，除署名权、修改权、保护作品完整权外，中国公民对其著作的法定权利均于作者死亡后第五十年的 12 月 31 日截止。超过著作权法保护日期后，其作品就进入了公有领域（公共版权）

这种因作者死亡超过 50 年而丧失发行权、改编权等著作权利的书籍，就称为“公共版权书籍”，简称“公版书”。

传硕公版书保护计划

中华文明5000多年绵延不断、经久不衰，在长期演进过程中，形成了中国人看待世界、看待社会、看待人生的独特价值体系、文化内涵和精神品质，这是我们区别于其他国家和民族的根本特征，也铸就了中华民族博采众长的文化自信。

文化是一个国家、一个民族的灵魂。文化兴国运兴，文化强民族强。

所以我们发起了公版书保护计划。来帮助把中国五千年的文明硕果进行电子化并服务于大众，我们网站所有内容都是免费、自由、无版权的。对所有的读者免费！

使用 **文硕阁** 中的公版书 不需要获得许可（在中国，这属于“合理使用”）。这适用于所有用途，包括商业用途。换句话说，即使是商业盈利用途，也无需支付版税。

我们希望能有更多的用户加入到文硕阁网站中来，让我们一起来保护传承文明的硕果。

源浚者流长，根深者叶茂。文化自信是一个国家、一个民族发展中最基本、最深沉、最持久的力量。

如何联系我们？

网站：www.wenshuoge.com

邮箱：7sbook@duck.com



(扫码访问网站)



(扫码加客服微信)

南诏德化碑

恭闻清浊初分，运阴阳而生万物。川岳既列，树元首而定八方。故知悬象着明，莫大于日月。崇高辨位，莫大于君臣。道治则中外宁，政乖必风雅变。岂世情而致，抑天理之常。我赞普锤蒙国大诏，性业合道，智覩未萌。随世运机，观宜抚众，退不负德，进不惭容者也。

王姓蒙，字阁罗凤，大唐特进云南王越国公开府仪同三司之长子也。应灵杰秀，含章挺生。日角标奇，龙文表贵。始乎王之在储府，道三善，位即重离。不读非圣之书，尝学字人之术。抚军屡闻成绩，监国每着家声。唐朝授右领军卫大将军兼阳瓜州刺史。

洎先诏与御史严正诲静边寇，先王统军打石桥城，差诏与严正诲攻石和子。父子分师，两殄凶丑。加左领军卫大将军。无何，又与中使王承君同破剑川，忠绩载扬，赏延于嗣，迁左金吾卫大将军。而官以材迁，功由干立。朝廷照鉴，委任兵权。寻拜特进、知兵马大将。二河既宅，五诏已平。南国止戈，北朝分政。而越析诏余孽于赠，恃铎稍，骗泸江，结彼凶渠，扰我边鄙。飞书遣将，皆辄拒违。诏弱冠之年，已负英断，恨兹残丑，敢逆大队。固请自征，志在夷扫。梟于赠之头，倾伏藏之穴。铎稍尽获，宝物并归。解君父之忧，静边隅之祲。制使奏闻，酬上柱国。

天宝七载，先王即世，皇上念功旌孝，悼往抚存。遣中使黎敬义持节册袭云南王。长男凤迦异时年十岁，以天宝入朝，授鸿胪少卿，因册袭次，又加授上卿，兼阳瓜州刺史、知兵马大将。既御厚眷，思竭忠诚。子弟朝不绝书，进献府无余月。将谓君臣一德，内外无欺。岂期奸佞乱常，抚虐生变。

初，节度章仇兼琼不量成败，妄奏是非。遣越巂督竹灵倩置府东爨，通路安南。赋重役繁，政苛人弊。被南宁州督爨归王、昆州刺史爨日进、梨州刺史爨祺、求州爨守懿、螺山大鬼主爨彦昌、南宁州大鬼主爨崇道等陷煞竹灵倩，兼破安宁。天恩降中使孙希庄、御史韩洽、督李宓等，委先诏招讨，诸爨畏威怀德，再置安宁。其李宓忘国家大计，蹶章仇诡踪，务求进官荣。宓阻扇东爨，遂激崇道，令煞归王。议者纷纭，人各有志。王务遏乱萌，思绍先绩。乃命大军将段忠国等与中使黎敬义、督李宓，又赴安宁，再和诸爨。而李宓矫伪居心，尚行反间。更令崇道谋煞日进，东爨诸酋，并皆惊恐。曰：「归王，崇道叔也；日进，弟也，信彼谗构，煞戮至亲。骨肉既自相屠，天地之所不佑。」乃各兴师，召我同讨。李宓外形中正，佯假我郡兵，内蕴奸欺，妄陈我违背。赖节度郭虚己仁鉴，方表我无辜。李宓寻被贬流，崇道因而亡溃。

又越巂督张虔陀，尝任云南别驾，以其旧识风宜，表奏请为督。而反诳惑中禁，职起乱阶。吐蕃是汉积讎，遂与阴谋，拟共灭我。一也。诚节王之庶弟，以其不忠不

孝，贬在长沙。而彼奏归，拟令间我。二也。崇道蔑盟构逆，罪合诛夷，而却收录与宿，欲令雠我。三也。应与我恶者，并授官荣，与我好者，咸遭抑屈，务在下我。四也。筑城收质，缮甲练兵，密欲袭我。五也。重科白直，倍税军粮，征求无度，务欲蔽我。六也。于时驰表上陈，屡申冤枉，皇上照察，降中使贾奇俊详覆。属竖臣无政，事以贿成。一信虔陀，共掩天听，恶奏我将叛。王乃仰天叹曰：「嗟我无事，上苍可鉴。九重天子，难承咫尺之颜。万里忠臣，岂受奸邪之害。」即差军将杨罗顓等连表控告。岂谓天高听远，蝇点成瑕，虽布腹心，不蒙衿察。管内酋渠等皆曰：「主辱臣死，我实当之。自可齐心戮力，致命全人。安得知难不防，坐招倾败。」于此差大军将王毗双、罗时、牟苴等扬兵送檄，问罪府城。自秋毕冬，故延时序，尚伫王命，冀雪事由。岂意节度使鲜于仲通已统大军，取南溪路下；大将军李晖从会同路进；安南督王知进自步头路入。既数道合势，不可守株。乃宣号令，诫师徒，四面攻围，三军齐奋。先灵冥佑，炬助威。天人协心，军羣全拔。虔陀饮酖，寮庶出走。王以为恶止虔陀，罪岂加众，举城移置，犹为后图。即便就安宁再申衷恳。城使王克昭执惑昧权，继违拒请。遣大军将李克铎等帅师伐之。我直彼曲，城破将亡。而仲通大军已至曲、。又差首领杨子芬与云南录事参军姜如之赍状披雪：「往因张卿谗构，遂令蕃、汉生猜。赞普今见观衅浪穹。或以众相威，或以利相导。傥若蚌鹬交守，恐为渔父所擒。伏乞居存见亡，在得思失。二城复置，幸容自新。」仲通殊不招承，劲至江口。我又切陈丹款，至于再三。仲通拂谏，弃亲阻兵，安忍吐发，唯言屠戮。行使皆被诋呵。仍前差将军王天运帅领骁雄，自点苍山西，欲腹背交袭。于是具牲牢，设坛墀，叩首流血曰：「我自古及今，为汉不侵不叛之臣。今节度背好贪功，欲致无上无君之讨。敢昭告于皇天后土。」史祝尽词，东北稽首。举国痛切，山川黯然。至诚感，风雨震霁。遂宣言曰：「彼若纳我，犹吾君也。今不我纳，即吾雠也。断，军之机；疑，事之贼。」乃召卒伍，擗然登陴。谓左右曰：「夫至忠不可以无主，至孝不可以无家。」即差首领杨利等于浪穹参吐蕃御史论若赞。御史通变察情，分师入救。时中丞大军出陈江口。王审孤虚，观向背，纵兵亲击，大败彼师。因命长男凤迦异、大军将段全葛等，于丘迁和拒山后赞军。王天运悬首辕门，中丞逃师夜遁。军吏欲追之。诏曰：「止。君子不欲多上人，况敢凌天子乎。苟自救也，社稷无殒多矣。」既而合谋曰：「小能胜大祸之胎，亲仁善邻国之宝。」遂遣男铎传旧、大酋望赵佺邓、杨传磨侔及子弟六十人，赍重帛珍宝等物，西朝献凯。属赞普仁明，重酬我勋効。遂命宰相倚叶乐持金冠、锦袍、金宝带、金帐（状）〔床〕、安扛伞、鞍银兽及器皿、珂贝、珠球、衣服、駝马、牛缕等，赐为兄弟之国。天宝十一载正月一日，于邓川册诏为赞普锤南国大诏，授长男凤迦异大瑟瑟告身、知兵马大将。凡在官僚，宠幸咸被。山河约誓，永固维城。改年为赞普锤元〔年〕。

二年，汉帝又命汉中郡太守司空袭礼、内使贾奇俊帅师再置姚府，以将军贾瓘为督。金曰：「汉不务德而以力争，若不速除，恐为后患。」遂差军将王（兵）〔丘〕各绝其粮道，又差大军将洪光乘等，（州）〔川〕知兵马使论绮里徐同围府城，信宿未踰，破如拉朽。贾瓘面缚，士卒全驱。

三年，汉又命前云南督兼侍御史李宓、广府节度何履光、中使萨道戣，惣秦、陇英豪，兼安南子弟，顿营陇坪，广布军威。乃舟楫备修，拟水陆俱进。遂令军将王乐宽等潜军袭造船之师，伏尸遍毘舍之野。李宓犹不量力，进逼邈川。时川知兵马使论绮里徐来救，已至巴驕山。我命大军将段附克等内外相应，竞角竞冲。彼弓不暇张，刃不及发。白日晦景，红尘翳天。流血成川，积尸壅水。三军溃衄，元帅沉江。诏曰：「生虽祸之始，死乃怨之终。岂顾前非而亡大礼。」遂收亡将等尸，祭而葬之，以存恩旧。

五年，范阳节度使安禄山窃据河、洛，开元帝出居江、剑。赞普差御史赞郎罗于惹结赍勅书曰：「树德务滋长，去恶务除本。越巂、会同谋多在我，图之此为美也。」诏恭承上命，即遣大军将洪光乘、杜罗盛、段附克、赵附于望、罗迁、王迁、罗奉、清平官赵佺邓等，统细于藩从昆明路，及宰相倚叶乐、节度尚检赞同伐越巂。诏亲帅太子藩围逼会同。越巂固拒被俘，会同请降无害。子女玉帛，百里塞途，牛羊积储，一月谷。

六年，汉复置越巂，以杨庭珪为督，兼固台登。赞普使来曰：「汉今更置越巂，作援昆明。若不再除，恐成滋蔓。」既举奉明旨，乃遣长男凤迦异驻军泸水，权事制宜。令大军将杨传磨侔等与军将欺急历如数道齐入。越巂再扫，台登涤除。督见擒，兵士尽掳。于是扬兵邛部，而汉将大奔，回旆昆明，倾城稽颡。可谓绍家继业，世不乏贤。昔十万横行，七擒纵略，未足多也。

爰有寻传，畴壤沃饶，人物殷凑。南通渤海，西近大秦。开辟以来，声教所不及；羲皇之后，兵甲所不加。诏欲革之以衣冠，化之以义礼。十一年冬，亲与寮佐兼总师徒，刊木通道，造舟为梁。耀以威武，喻以文辞。款降者抚慰安居，抵捍者（颈系）〔系颈〕盈贯。矜愚解缚，择胜置城。裸形不讨自来，祁鲜望风而至。

且安宁雄镇，诸爨要冲。山对碧鸡，波环碣石。盐池鞅掌，利及牂、欢，城邑绵延，势连戎、僰。乃置城监，用辑携离。远近因依，闾阎栉比。十二年冬，诏候隙省方，观俗恤隐。次昆川，审形势，言山河以作藩屏，川陆可以养人民。十四年春，命长男凤迦异于昆川置柘东城，居二诏佐镇抚。于是威慑步头，恩收曲、。颁诰所及，翕然俯从。

我王气受中和，德含覆育。才出人右，辩称世雄。高视则卓尔万寻，运筹则决胜千里。观衅而动，因利兴功。事叶衷，有如天启。故能拔城挫敌，取胜如。以危易安，转祸为。绍开祖业，宏覃王猷。坐南面以称孤，统东偏而作主。然后修文习武，官设百司，列尊叙卑，位分九等。阐三教，宾四门。阴阳序而日月不，赏罚明而奸邪屏迹。通三才而制礼，用六府以经邦。信及豚鱼，恩沾草木。扞塞流潦，高原为稻黍之田。疏决陂池，下隰树园林之业。易贫成富，徙有之无，家饶五亩之桑，国贮九年之廩。荡秽之恩，屡沾蠢动。珍帛之惠，遍及耆年。设险防非，

凭隘起坚城之固；灵津蠲疾，重岩涌汤沐之泉。越燄天马生郊，大利流波濯锦。西开寻传，禄鄜出丽水之金；北接阳山，会川收瑟瑟之宝。南荒奔凑，覆诏愿为外臣；东爨悉归，步头已成内境。建鎮塞，银生于墨觜之乡；候隙省方，驾憩于洞庭之野。盖由人杰地灵，物华气秀者也。于是犀象珍奇，贡献毕至，东西南北，烟尘不飞。遐迩无剽掠之虞，黔首有鼓击之泰。乃能骧首邛南，平睥海表。岂惟我鍾王之自致，实赖我圣天帝赞普德被无垠，威加有截。春云布而万物普润，霜风下而四海飒秋。故能取乱攻昧，定京邑以息民，兼〔弱〕侮亡，册汉帝而继好。

时清平官段忠国、段寻铨等咸曰：「有国而致理，君主之美也。有美而无扬，臣子之过也。夫德以立功，功以建业，业成不纪，后嗣何观。可以刊石勒碑，志功颂德，用传不朽，俾达将来。」（□成）〔蛮盛〕家世汉臣，八王称乎晋业，鍾铭代袭，百世定于当朝。生遇不天，再罹衰败。赖先君之遗德，沐求旧之鸿恩。改委清平，用兼耳目。心怀吉甫，愧无赞于周诗，志効奚斯，愿齐声于鲁颂。纪功述绩，寔曰鸿徽。自顾不才，敢题风烈。其词曰：

降祉自天，流后孕。瑞应匪虚，祯
必信。圣主分忧，遐夷声振。袭久传封，受符兼印。其一。

兼琮秉节，贪荣构乱。开路安南，政残东爨。竹倩见屠，官师溃散。赖我先王，怀柔伏叛。其二。

祚不乏贤，先（庸）〔猷〕是继。群守诡随，贬身遐裔。祸连虔陀，乱深竖嬖。殃咎匪他，途豕自殒。其三。

仲通制节，不询长久。征兵海隅，顿营江口。矢心不纳，白刃相守。谋用不臧，逃师夜走。其四。

汉不务德，而以力争。兴师命将，置不层城。三军往讨，一举而平。面缚羣吏，驰献天庭。其五。

李宓总戎，犹寻覆辙。水战陆攻，援孤粮绝。势屈谋穷，军残身灭。祭而葬之，情由故设。其六。

赞普仁明，审知机变。汉德方衰，边城绝援。挥我兵戎，攻彼郡县。越嵩有征，会同无战。其七。

雄雄嫡嗣，高名英烈。惟孝惟忠，乃明乃哲。性惟温良，才称人杰。邛泸一扫，军郡双灭。其八。

观兵寻传，举国来宾。巡幸东爨，怀德归仁。碧海效祉，金穴荐珍。人无常主，惟贤是亲。其九。

土于克开，烟尘载寝。穀击（犁）〔犁〕坑，辑熙羣品。出入连城，光扬衣锦。业留万代之基，仓贮九年之廩。其十。

明明赞普，扬（于）〔干〕之光。赫赫我王，实赖之昌。化及有土，业着无疆。河带山砺，地久天长。其十一。

辩称世雄，才出人右。信及豚鱼，润深琼玖。德以建功，是谓不朽。石以刊铭，〔可长〕可久。其十二。

碑阴

（上阙）带段忠国清平官大军将大金告身赏锦袍金带□□□（下阙）

（上阙）皮衣杨傍佺清平官小颇弥告身赏锦袍金带（下阙）

（上阙）颇弥告身赏二色绫袍金带爨守□清平官大金告（下阙）

（上阙）李〔买〕□大军将开南城大军将大□告身（下阙）

（上阙）大大皮衣赵眉丘大军将土曹长大颇弥□□赏紫袍金（下阙）

（上阙）□衣扬细□大军将赏二色绫袍金带王琮罗铎大军□□□□□□身赏（下阙）

（上阙）袍金带兼大（夫）〔大〕皮衣张骠〔罗〕于大军将前户曹长拓东〔城大军将□身〕赏二色绫（下阙）

（上阙）绫袍金带王波铎大军将前法曹长大颇弥告身赏二色绫袍金带杨□□□□□〔赏二〕（下阙）

（上阙）军将小金告身赏二色绫袍金带杨罗望大军将小金告身赏锦袍金带（下阙）

（上阙）大军将赏二色绫袍金带尹嵯迁大军将小金告身赏紫袍金带杨彪栋□□□□

□□□□〔二色〕□□□□〔和附〕（下阙）

（上阙）身赏二色绫袍金带尹附酋大军将赏紫袍金带赵〔瑳〕□〔坚〕大军将兵曹□□□□□□紫袍金带赵逸罗□（下阙）

（上阙）色绫袍金带兼大大皮衣孟绰望军将士曹长小银告身赏紫袍金带杨邓侄□□□法曹长小颇弥告身赏□□绫袍（下阙）

（上阙）大军将小银告身赏二色绫袍金带杨各酋大军将赏二色绫袍金带赵彪细利客曹□□□弥告身赏二□绫袍杨利成（下阙）

（上阙）赏二色绫袍金带□□罗正大军将兵曹长小颇弥告身赏紫袍金带段君利大军将□□□小银告身赏（下阙）

（上阙）大军将小银告身赏二色绫袍金带尹□□□大军将小铜□□□□□〔绫袍金带周〕（下阙）

（上阙）赏二色绫袍金带唐酋〔统〕大军将赏紫袍金带喻酋〔苴〕大军将赏〔二色〕（下阙）

（上阙）仓曹长小银告身赏二色绫袍金带兼大大皮衣□盛顛大军将赏紫袍金带（下阙）

（上阙）〔安〕定大惣管小银告身赏二色绫袍金带兼大皮衣□□□□军将□法曹（下阙）

（上阙）绫袍金带洪罗栋大惣管小铜告身赏二色绫袍金带□□□□军将兼（下阙）

（上阙）色绫袍金带段旋湊军将户曹长小铜告身赏紫袍金带□□□坚大惣管（下阙）

（上阙）湊军将羣牧大使小银告身赏紫袍金带扬瑳白奇〔军谋〕兼知表诰小银告身□□□□□□□□□□□□□□铜（下阙）

（上阙）和大惣管兼押衙小鍬石告身赏二色绫袍金带石覆苴大军将小银告身□□□□□段〔琮〕□遯（下阙）

（上阙）带李奴邓客曹长赏紫袍金带王□□□大军将小颇弥告身赏□□□带□诺地

(下阙)

(上阙) 弥告身赏紫袍金带阿忍 [大军将赏紫袍金带遁□本] 大军将小颇弥□□□
紫 (下阙)

(上阙) 大军将赏二色绫袍金带黑觜 [罗眉] 大军将赏紫袍金带 (下阙)

(上阙) 大□编赏紫袍金带 [孙] 白伽军将 [小] 鋤石告身赏紫 [袍] (下阙)

(上阙) 军将赏紫袍金带兼大皮刘望□ [喻] 军将赏□袍金带 [兼] (下阙)

(上阙) 军将前兵曹 [副] 官小铜告身赏紫袍金带杜顛伽□□□□□□带兼□□□
□□□□□□赏 (下阙)

(上阙) 赵充□ [苴] 军将兵曹副小银告身赏紫袍金带 (下阙)

(上阙) 盛军将士曹副赏紫袍金带杨邓四罗□□□□□ [袍金带] (下阙)

(上阙) 军将大鋤石告身赏紫袍金带段□□□□□□□ [金带] □□□□□□□ [金带□罗] □ [将] (下阙)

(上阙) 伽瑳军将赏紫袍金带杨浔 [波罗] □□□□□□□□□□□□□ [身赏] (下阙)

(上阙) 军将僊人佐杨罗斂军将 [赏] 紫 (下阙)

(上阙) 紫袍金带尹求宽 [军将] □□□ [金带□杨] □□□□□□□□ [赏紫]
(下阙)

(上阙) 将赏紫袍金带张赵逻军将赏紫袍金带□□□□□□□ [金带] (下阙)

(上阙) 军将赏紫袍金带□□利军将□紫袍金带□□□□□□ [小铜] (下阙)

(上阙) 斂诏亲大军将大金告身赏二色绫袍金带李外成苴□□□□ [锦袍] (下阙)
)

(上阙) 军将兼白崖城大军将大金告身赏二色绫袍金带李 (下阙)

(上阙) 诏亲大军将小银告身赏二色绫袍金带李些丰浔 (下阙)

（上阙）诏亲大军将赏二色绫袍金带放苴诏亲（下阙）

（上阙）金告身赏锦袍金带独磨（下阙）